

李群玉詩集

四部叢刊初編集部

李羣玉詩集

進詩表

草澤臣羣玉言臣宗緒凋淪丘山賤品幽沉江介分託漁樵伏遇

皇帝陛下運屬昇平率土歡泰沐雨露亭育之化在薰風長養之間願同率舞之誠遠逐越常之貢頃以鼓腹勛華之代怡情林阜之隈涵泳皇風殆忘仕進以至年踰不惑病恙暴侵但慮寒餓江湖之濱與枯魚涸蟻爲伍瞑目黃壤虛謝文明是以徒步負琴遠至輦下謹捧所業歌行古體詩今體七言今體五言四通等合三百首謹詣光順門昧死上進伏以卿雲在天草木五色廣野之氣燭爲祥煙熙熙含生盡躋壽域白日亭午物無斜陰而方今風后提衡庶尹咸又言語侍從之列皆嚴徐班馬之倫凡在墨客詩人歌詠聲明文物不暇何讓調劑與於筆端臣所貢前件歌詩以居住沅湘宗師屈宋楓江蘭浦蕩思搖情蕪賴之餘過於飄野天文不到徒窺星漢之高滄海收歸豈阻潢汙之阻然則囊橐不爆俄成曲突之煙埋劍無光永作幽泉

之鐵巴濮下調塵觸天聰螻蟻之微伏待刑戮謹拜表陳獻以聞無任焚灼隕越屏營之至臣羣玉誠惶誠恐頓首死罪謹言

延英口宣勅旨

卿所進歌詩異常高雅朕已遍覽今有少錦綵器物賜卿宜令領取夏熱卿比平安好

薦處士李羣玉狀

大李士僕射令與相公梅

右苦心歌篇屏跡林壑佳句流傳於衆口芳聲籍甚於一時守道安貧遠絕名利當文明之聖代宜備搜羅俾典校於瀛洲佇光志業臣等今日延英已面陳奏狀伏奉

聖旨令與一文學官者臣等商量望授弘文館校書郎未審可否謹具奏

聞伏聽

勅旨

李羣玉放懷丘壑吟詠情性孤雲無心浮磬有韻吐妍詞於麗則動清律於風騷冥鴻不歸羽翰自逸霧豹遠迹文彩益奇信不試而逾精能久幽而獨樂念其求志可

以言詩用示繫維俾之刊校可守弘文館

校書郎

中書侍郎兼戶部尚書平章事臣令狐綯
宣奉司勳郎中知制誥臣鄭處約行

臨安府知府魏觀坊南陳生書籍鋪刊行

李羣玉詩集目錄

卷之九

歌行古體

烏夜啼

昇仙操

醒起獨酌懷友

兩夜呈長官

贈方處士

盛春

登楞伽臺別羽客

湖中古愁三首

古鏡

送蕭綰之桂林

留別坐中諸侶

送友人之峽

靜夜相思

登章華樓

贈方處士兼寫別

傷思

送處士歸別業

微上人話金山

寄短書歌

王內人琵琶引

競渡

小弟艤近書來

秋怨

山中秋夕

盧溪道士

別秋佩

我思何所在

感興四首

大雲池泛舟

寄鄭判官

江樓獨酌懷從叔

驄馬

湘西寺霽夜

送鄭京昭之雲安

微上人話金山

寄巴丘故人

東遊投從公員外

洞庭驛樓燕集

滄洲

送鄭子寬

九日登樓觀舞二首

惠石廩方及團茶

宿鳥遠峽化臺

岳陽春晚

漢陽春晚

奉懷沈正字昆仲

湘中別成威閣黎

別尹練師

卷中

今體七言

長沙春望寄故人

金塘路中

自遣

送于少監

韋明府致石鯽鱸

獲顧長康月宮真影

玉真觀

辱手中丞書信

送崔使君禱雨

重經巴丘

湘陰江亭寄友人

哭郴州王使君

九日楊公臺宴集

和張舍人送秦練師

送陶少府赴選

寄張枯

寄長沙許侍御

望月懷友

和吳中丞悼笙妓

薛侍御處乞靴

九子坡聞鷓鴣

從叔祭廣利王廟

紫極宮兩夜愁坐

盧逸人隱居

江樓懷關中親故

請告歸留別同館

寄友二首

桃源

題王侍御宅

聞湘南從叔朝覲

漢陽太白樓

送客

澧陵道中

校書叔遺暑服

贈魏三十七

酬崔表仁

旅遊番禺獻涼公

長沙元門寺畫壁

出春明門

卷下

今體五言

新荷

初月二首

石緒

雲安

石頭城

湖關

失鶴

雪霽聽笙寄杜中丞

陪裴大夫登北樓

登蒲澗寺後三首

早鴻

旅泊

半醉

晝寢

晚蓮

留別湖南幕府

宵民

吾道

與三山人夜話

春寒

廣江驛餞筵留別

桑落洲

杜門

封貢外郡齋雙鶴

經費拾遺所居

送秦練師

送遷客北歸

陪崔大夫宴

送房處士閑遊

贈花

洞庭風雨二首

臨水薔薇

中秋維舟君山膳

桂州經佳人故居

池塘晚影

青鷁

傷小女凝兒

客愁二首

放魚

朝賣藥翁

蓮葉

洞庭乾二首

李羣玉詩集目錄終

李羣玉詩集卷上

歌行古體詩

烏夜啼

層波隔夢時一望青楓林有鳥在其間達曉自

悲吟是時月黑天四野煙雨深如聞生離哭其

聲痛人心悄悄夜正長空山響哀音遠客不可

聽坐愁華髮侵既非蜀帝魂恐是恒山禽四子

各分散母聲猶至今

寄短書歌

骨肉萍蓬各天末十度附書九不達孤臺冷眼

無來人楚水秦天莽空闊翔鴈橫秋過洞庭西

風落日浪崢嶸三年音信凝墮外一曲哀歌白

髮生

昇仙操

羸女去秦宮瓊簫飛碧空鳳臺閉煙霧鸞吹飄


天風復聞周太子亦遇浮丘公叢菁發天弄輕

舉紫霞中濁世不久駐清都路何窮一去霄漢

上世人那得逢

王內人琵琶引

檀槽一曲黃鐘羽細撥紫雲金鳳語萬里胡天



海塞秋分明彈出風沙愁三千策嬪推第一歛
黛傾鬟艷蘭室羸女停吹降浦簫帝娥淨掩空
波瑟翠幕橫雲蠟焰光銀龍吐酒菊花香皓腕
翻

醒起獨酌懷友

西風靜夜吹連塘芙蓉破紅金粉香摘花把酒
弄秋芳具雲楚水愁茫茫美人此夕不入夢獨
宿高樓明月涼

競渡時在湖外偶爲成章

電逝三千兒綵舟畫檝射初暉喧江播鼓
鱗甲動三十六龍銜浪飛靈均昔日投湘死千
古沉魂在湘水綠草斜煙日暮時笛聲幽遠愁
江鬼

雨夜呈長官

遠客坐長夜雨聲孤寺秋請量東海水看取淺
深愁愁窮重於山終年壓人頭朱顏與芳景暗
赴東波流鱗翼俟風水青雲方阻脩孤燈吟素
艷蟲響寒房幽借問陶淵明何物號忘憂無因
一酩酊高枕萬情休

小弟艤南遊近來書

湘南客帆稀遊子寡消息經時停尺素望盡雲
邊翼笑言憑夢寐獨立想容色落景無來人脩
江入天白停停倚門念瑟瑟風雨夕何處泊扁
舟迢遞湍波側秋歸舊窻竹永夜一淒寂吟爾
鵲鵲篇中宵慰相憶

贈方處士

白衣方外人高閑溪中鶴無心戀稻粱但以雲
泉樂赤霄終得意天池俟躍歲晏入帝鄉期
君在寥廓

秋怨 一作悲

瑟瑟涼海氣西來送愁容金風死綠蕙玉露生
寒松所思在冥碧無因一相逢登樓睇去翼目
盡滄波重虛窻度流螢斜月啼幽蛩踈紅落殘
艷冷水凋芙蓉歲暮空太息年華逐遠蹤凝情
耿不寐攬涕起踈慵

感春

春情不可狀艷艷令人醉暮水綠楊愁深認落
花思吳宮新暖日海燕雙飛至愁思逐煙光空
濛滿天地

山中秋夕

抱琴出南樓氣爽浮雲滅松風吟天簫竹路踏
碎月後山鶴喚定前浦荷香餘境寂良夜深了
與人閒別

將遊羅浮登廣陵楞伽臺別羽客

清遠登高臺是即縱覽歷濯泉喚仙風於此盪
靈魄冷光激遠目百里見海色送雲歸蓬壺望
鶴滅秋碧波瀾收日氣天自回澄寂百越落掌
中十洲點空白身居飛鳥上口詠玄元籍飄如
出塵籠想望吹簫客冥冥人間世歌笑不足惜
竭來羅浮顯披雲鍊瓊液謝公雲峯興可以躡
高跡吾將抱瑤琴絕境縱所適

盧溪道士

曉發潺湲亭夜宿潺湲水風篁掃一作掃石瀨琴
聲九十里光奔覺來眼寒落夢中耳曾向三峽
行巴江亦如此

湖中古愁三首

涼風西海來直渡洞庭水脩脩木葉下白浪連
天起蘼蘭委皓霜百草一時死摧殘負志人感
歎何窮已

昔我觀雲夢窮秋經汨羅靈均竟不返怨氣成

微波真桂開古祠朦朧入幽蘿落日瀟湘上淒
涼吟九歌

南雲哭重華水死悲二女天邊九點黛白骨迷
處所朦朧波上瑟清夜降北渚萬古一雙魂飄
飄在煙雨

別狄佩

梁公立孫
諫于南國

翠柳不著花鳳雛長忍飢未開丹青翻空把碧
梧枝聖人奏雲韶祥風一來儀文章耀白日衆
鳥莫敢窺苑柳不自言凡鳥何由知當看九千
仞飛出太平時

古鏡

明月何處來朦朧在人境得非軒轅作妙絕世
莫並瑤匣開旭日白雷走孤影泓澄一尺天徹
底涵霜景冰輝凜毛髮使我肝膽冷忽驚行深
幽面落九秋井雲天入掌握爽朗神魄淨不必
負局仙金沙發光炯陰沉蓄靈惟可與天地永
恐爲悲龍吟飛去在俄頃

我思何所在

我思何所在乃在陽臺側良宵相望時空此明
月色歸魂泊湘雲飄蕩去不得覺來理舟楫波

浪春湖白煙光皓楚秋瑤草不忍摘因書天末
心繫此雙飛翼

送蕭綰之桂林

時羣玉
遊豫章

蘭香佩蘭人三弄蘭江春爾爲蘭陵秀芳藻驚
常倫粲粲鳳池膏一毛今再新竹花不給口惟
悴清湘濱一朝南溟飛彩翮不可親蒼梧雲水
晚離思空凝曄我亦縱煙棹西浮彭蠡津丈夫
未虎變落魄甘風塵大禹惜寸陰況我無才身
流光銷道路以此生嗟辛萬里關分袂相思香
難申桂水秋更碧寄書西上鱗

感興四首

子雲吞白鳳遂吐太玄書幽微十萬字枝葉何
扶疏婉孌猛虎口甘言累其初一觀美新作斯
瑕安可除

昔竊不死藥奔空三姝娥盈盈天上孤艷潔
金波織女了無長宵隔銀河輒揮素手幾
時停玉梭

洞房三五夕金缸凝燄滅美人抱雲和斜倚紗
窻月沉吟想幽夢闌思深不說絃冷玉指寒含
顰達明發

鴈口銜邊秋寒聲落燕代先驚愁人耳顏髮潛
銷改凝雲蔽洛浦夢寐勞光彩天邊無書來相
思淚成海

將之吳越留別坐中文酒諸侶

秋色滿水國江湖興蕭然氛埃歛八極萬里淨
澄鮮淅浦縱孤棹吳門渺三千迥隨衡陽鴈南
入洞庭天早聞陸士龍矯掌誇山川非思鱸魚
鱸且弄五湖船暝泊遠浦霞曉飯蘆洲煙風流
訪王謝佳境恣汨汨霜剪別岸柳香枯北池蓮
歲華坐搖落戚戚感流年明朝即漂萍離恨無
由宣相思空江上何處金波圓

大雲池泛舟

九月蓮花死萍枯霜水清船浮天光遠棹拂翠
瀾輕古木了無煙靄生游鱗泳皎潔洞
見逍遙情漁父一曲歌滄浪遂知名未知斯水
上可以濯吾纓

送友人之峽

東吳有賦客願識陽臺仙彩毫飛白雪不減郢
中篇楚水五月浪輕舟入暮煙巫雲多感夢桂
櫂早迴旋

登宜春醉宿景皇寺寄鄭判官兼簡空上人

曉發碧水陽暝宿金山寺松風灑寒雨浙瀝醒
餘醉夜中香積飯蔬粒俱精異境寂滅塵愁神
高得詩思皎皎榮陽子芳春富才義漲海豁心
源冰壺見門地碧霄有鳩序未展聯行翅但笑
一尺繩三年絆騏驎摧藏掩客鬱抑曾襟事
名業兩未從臨風嘿舒氣一身眇雲嶺中夜空
涕泗側枕對孤燈衾寒不成寐根薪極桂玉大
道生榛刺恥息惡木陰難書劍歌意揚鞭入莽
蒼山驛凌煙翠越鳥日南飛芳音願相次

靜夜相思

山空天籟寂水榭延輕涼浪定一浦月藕花開
自香

江樓獨酌懷從叔

水國發爽氣川光靜高秋酣歌金樽醪送此清
風愁楚色忽滿目灘聲落西樓雲翻天邊葉月
弄波中釣芳意悵搖落蘅蘭謝汀洲長吟碧雲
合悵望江之幽

登章華樓

楚子故宮地蒼然雲木秋我來覽後事落景空
生愁霸業沒荆棘雄圖成古丘沉吟問鼎語但
見東波流征鴻引鄉心一去何悠悠晴湖碧雲
晚暝色空高樓迢遞趨遠嶠微茫入孤舟空路
不堪望西風白浪稠

驄馬

浮雲何權奇絕足世未知長嘶清海風蹀躞振
雲絲由來渥洼種本是蒼龍兒穆滿不再活無
人豈閭騎若識嚼躍怯寧勞耀金羈青芻與白
水空笑驚駘肥伯樂儻一見應驚耳長垂當思
八荒外逐日向瑤池

贈方處士兼以寫別

天與雲鶴情人間恣詩酒龍宮奉採覓瀕洞一
千首清如南薰絲韻若黃鐘吼喜於風騷地忽
見陶謝手籍籍九江西篇篇在人口芙蓉爲芳
菲未落諸花後所知心眼大別自開戶牖才力
似風鵬誰能弄升斗無營傲雲竹琴帙靜爲友
鸞鳳戢羽儀騏驎在郊藪鏡湖春水綠越客憶
歸否白衣四十秋逍遙一何久此身無定跡又
逐浮雲走離思書不窮殘陽落江柳

湘西寺齋夜

雨過琉璃宮佳興浩清絕松風吟晴灘竹路踏
碎月月波蕩如水氣爽星朗滅皓夜千樹霜蟬
噪萬巖雪後山鶴唳斷前池荷香發境寂涼夜
深神思空飛越

傷思

八月白露濃芙蓉抱香死紅枯金粉墮寥落寒
塘水西風圓葉下疊疊參差起不見棹歌人空
垂綠房子

送鄭京昭之雲安

君吟高堂賦路過巫山渚莫令巫山下幽夢惹
雲雨住事幾千年芬芳今尚傳空留荆王館巖
嶂深蒼然楚水五月浪輕舟入蘋煙送君揚楫
去愁絕郢城篇

送處士自番禺東遊便歸蘇臺別業

啞軋暮江上櫓聲搖落心宛陵三千里路指吳
雲深尊萊動歸興忽然聞會吟南浮龍川月東
下敬亭岑多君詠逍遙結蘿碧溪陰高籠華亭
鶴靜對幽蘭琴汗漫江海思傲然袖冠簪歸歎
未去寂還許應追尋二陸文苑秀岩峯懷所欽

惜我入洛晚不覩雙南金江左風流盡名賢成
古今送君無限意別酒但加斟

法華微上人盛話金山境勝舊遊在目
吟成此篇

江上青蓮宮人間蓬萊島煙霞與波浪隱映樓
臺好潮聞梵音淨海日天早願與靈鷲人吟
經此終老

洞庭入澧江寄已丘故人

四月桑半枝具鷺初弄絲江行好風日燕舞輕
波時去事旋成夢來歡難預期唯憑東流水日
夜寄相思

自澧浦東遊江表途出巴丘投負外從
公宴

短翮後飛者前攀鸞鶴翔力微應萬里矯首空
蒼蒼誰昔探花源考槃西岳陽高風動商洛綺
皓無馨香一朝下蒲輪清輝照巖廊孤醒立衆
醉古道何由昌經術震浮盪國風掃齊梁文襟
即玄圃筆下成琳琅霞水散吟嘯松筠奉琴觴
冰壺避皎潔武庫着鋒鋌小子書代耕束髮頗
自強艱哉水投石壯志空摧藏十年侶龜魚垂

頭在沅湘巴歌掩白雪鮑肆埋蘭芳騷雅道未
消何憂名不彰飢寒束困厄默塞飛星霜百志
不成一東波擲年光塵生脫粟餽萬里遠高堂
中夜恨火來焚燒九迴腸平明梁山淚綠枕露
臣床依泊洞庭波木葉忽已黃桑確擣秋色曉
月啼寒蟬復此棹孤舟雲濤浩浩茫茫朱門待媒
勢短褐誰揄揚仰羨野陂鳬無心憂稻粱不如
天邊鴈南北皆成行男兒白日間變化未可量
所希困辱地剪拂成騰驤昨筆話肝肺詠茲枯
魚章何由首西路目斷白雲鄉

洞庭驛樓雪夜燕集奉贈前湘州張貲

外

昔與張湘州閑登岳陽樓目窮衡平表與盡荆
吳秋擲筆落郢曲巴人不能酬是時簪裾會景
物窮冥搜誤忝玳筵秀得陪文苑遊幾篇雲攄
上風雨沉銀鈎

滄洲

童兒待郭伋竹馬空遲留路指雲漢津誰能吟
四愁銀壺傲海雪青管羅名謳賤子跡未安謀
身拙如鳩分隨煙霞老豈有風雲求不逐萬物

化但貽知己羞方窮力命說戰勝心悠悠不然
蹲會稽鈎下二五牛所期波濤助燁赫呈吞舟

送鄭子寬棄官東遊便歸女几

八月湖浸天揚帆入秋色岷峨雪氣來寒漲滿
湘碧子真冥鴻志不逐籠下翼九女疊雲屏於
焉恣栖息新詩山水思靜入陶謝格因醉松花
春追攀紫煙客相逢十年舊嘖笑等歡感一飯
玉露疎中腸展堆積得食不盡意傾景悵可惜
雲水一分飛離憂洞庭側迴車三鄉路仙菊正
堪摘寄謝杜蘭香何年別張碩

長沙九日登東樓觀舞二首

南國有佳人輕盈綠腰舞華筵九秋暮飛袂拂
雲雨翩如蘭若翠一作媛如婉若游龍舉越艷
罷前溪吳姬停白紵一作媛如

慢態不能窮繁姿曲向終低回蓮被一作浪凌
亂雪繁風墜耳時流眄脩裾欲遡空唯愁捉不
住飛去逐驚鴻

龍山人惠石廩方及團茶

客有衡嶽隱遺余石廩茶自云凌煙露採掇春
山芽珪璧相壓疊積芳莫能加碾成黃金粉輕

嫩如松花紅鑪爨霜枝越兒斟井華灘聲起魚
眼滿鼎漂清霞凝澄坐曉燈病眼如蒙紗一甌
拂昏寐襟鬲開煩拏領渚與方山誰人留品差
持甌默吟味搖膝空谷嗟

宿烏遠峽化臺遇風雨

孤鶴長松巔獨宿萬巖雨龍湫在石脚引使時
一取驚風折喬木飛焰獵窻戶半夜霹靂聲高
齊有人語

岳陽春晚

不覺春物老塊然湖上樓雲沙鷗鷓鴣思風日沅
湘愁去翼滅雲夢來帆指昭丘所嗟芳桂晚寂
寞對汀洲

漢陽春晚

漢陽抱青山飛樓映湘渚白雲蔽黃鶴綠樹藏
鷗鷺憑高送春目流恨傷千古遐想禰衡才今
人怨黃祖

將離澧浦置酒野嶼奉懷沈正字昆仲

三人聯登高第

春月三改更花枝成綠陰年光東流水浩歎傷
羈心酌桂煙嶼晚鷗鳴江草深良圖一超忽萬

恨空相尋上國刈翹楚才微甘陸沉無燈假貧
女有淚沾牛衾衡嶽三麒麟各振黃鍾音卿雲
被文彩芳價傾詞林夫子芸閣英養鱗湘水潯
晴沙踏蘭菊隱几當青岑明日洞庭上悠揚掛
離襟停觴一搖筆聊寄生芻吟

湘中別成威閣黎

至哉彼上人冰霜凜規則遊心杳何境冥坐入
冥嘿解空與密行名臘信崇德吐論駕秋濤龍
宮發曾臆羣迷行太夜浩浩一昏黑赤水千丈
深玄珠幾人得持杯挹溟漲至理安可測寧假
喻芭蕉真成嗅蒼苔松聲掃白月霽夜來靜域
清梵罷法筵天香滿衣襟何方濟了岸祇仗慈
航力願與十八賢同栖翠蓮國

別尹鍊師

吾家五千言至道懸日月若非函關令誰駐流
沙說多君飛昇志機悟獨超拔學道玉笥山燒
丹白雲穴南窮衡疑秀採藥歷幽絕夜卧瀑布
風朝行碧巖雪洞宮四百日王籍恣探閱徒以
菌蟪姿細攀修真訣塵籠罩浮世遐志空飛越
一罷茶酒懽離情滿寥沈願騎紫蓋鶴早向黃

金闕城市不可留塵埃織仙骨

李羣玉詩集卷上

李羣玉詩集卷中

今體七言

長沙春望寄洛陽故人

清明別後雨晴時極浦空顰一望眉湖畔春山
煙點點雲中遠樹黑離離依微水戍聞疎鼓掩
映沙村見酒旗風暖草長愁自醉行吟無處寄
相思

金塘路中

山川楚越復吳秦蓬梗何年是佳身黃葉黃花
古城路秋風秋雨別家人冰霜怯度商於一作村
凍桂玉愁居帝里貧十口繫心拋不得每迴迴
首即長聲

自遣

翻覆升沉百歲中前途一半已成空浮生暫寄
夢中夢世事如聞風裏風脩竹萬竿資閑寂古
書千卷要窮通一壺濁酒暄和景誰會陶然失
馬翁

送于少監自廣州還紫邏

鳴高山水似麻源謝監東還憶故園海嶠煙霞
輕逸翰洛川花木待回軒宦情薄去詩千首世

事閑來酒一樽明日中書見顏范如應通籍入金門

石門韋明府爲致東陽潭石鯽鱸

錦鱗銜餌出清漣暖日江亭動鱸筵疊雪亂消飛筴底散絲繁灑拂刀前太湖浪說朱衣鮒漢浦休誇縮項鰱俊味品流知第一更勞霜橘助芳鮮

規公業在澤名得甚深義僕近獲顧長康月宮眞影對戴安道所畫文殊走筆此篇以屈瞻禮

五濁之世塵冥冥達觀栖心於此經但用須彌藏芥子安知牛跡笑東溟主公吐辯眞無敵顧氏傳神實有靈今日淨開方丈室一飛白足到茅亭

玉眞觀

高情帝女慕乘鸞紺髮初簪玉葉冠公主玉葉冠時人其計其秋月無雲生碧落素蕖含露出清瀾層城煙霧將歸遠浮世塵埃久住難一自簫聲飛去後洞宮深掩碧瑤壇

辱綿州于中丞書信

一絨垂露到雲林中有孫陽念驥心萬木自凋山不動百川皆旱海長深風標想見瑤臺鶴詩顏如聞淥水琴他日縱陪池上酌已應難到暎猿吟渴疾漸加酒戶日減

送崔史君蕭山禱雨甘澤遽降

謝公一拜敬亭祠五馬旋歸下散絲不假土龍呈天矯自然石驚起參差預聽禾稼如雲語應有空濛似霧詩已向爲霖報消息賴川微詔是前期

重經巴丘

開成初陪故真外從舅詩酒遊迄

昔年高接李膺歡日泛仙舟醉碧瀾詩句亂隨青草落酒腸俱逐洞庭寬浮生聚散雲相似往事微冥夢一般今日片帆城下去秋風回首淚闌干

湘陰江亭却寄友人

湘岸初晴淑景遲風光正是客愁時幽花夜落騷人浦芳草春深帝子祠往事隔年如過夢舊遊回首滿追思煙波自此扁舟去小酌聯文香未期

哭郴州王使君

銀章朱紱照雲鵷六換魚書惠化崇瑤樹忽傾
蒼栢下醉鄉翻在夜臺中東山妓逐飛花散北
海樽隨逝水空曾是綺羅筵上客一來長慟向
春風

九日巴丘楊公臺宴集

淒淒霜日上高臺水國秋深客思哀萬疊銀山
寒浪起一作一行斜字早鴻來誰家揚練孤城
暮何處題衣遠信回江漢路長身不定菊花三
笑放萍開

奉和張舍人送秦練師歸岑公山

仙翁歸卧翠微岑一葉西風月峽深松徑一作
定知芳草合玉書應念素塵侵閑雲不繫東西
影野鶴寧傷去住心蘭浦蒼蒼春欲暮落花流
水思離襟一作琴

送陶少府赴選

陶君官興本蕭疎長傍青山碧水居久向三茅
窮藝術仍傳五柳舊琴書跡同飛鳥栖高樹心
似閑雲在太虛自是葛洪求藥價不關梅福懸
簪裾

寄張祐

祐亦未面頻寄聲相聞

越水吳山任興行五湖雲月挂高情不遊都邑
稱平子只向江東作步兵昔歲芳聲到童稚老
來佳句徧公卿知君氣力波瀾地留取陰何沈
范名

寄長沙許侍御

三年文會許追隨和徧南朝一作雜體詩未以
一作緩毫還郭璞乞留殘錦與丘遲竹齋琴酒
懽成夢水寺煙霞賞對誰今日秋風滿湘浦祇
應搔首詠瓊枝

望月懷友

浮雲捲盡看騰騰直出滄溟上碧空盈手水光
寒不濕流天素彩淨無風酒花蕩漾金樽裏棹
影飄飄玉浪中川路正長難可越美人千里思
何窮

和吳中丞悼笙妓

麗質仙姿煙逐風鳳皇聲斷吹臺空多情草色
怨還綠無主杏花春自紅墮珥尚有芳樹下餘
香漸減一作王堂中唯應去抱雲和管從此長
歸阿姥宮

薛侍御處乞靴

越客南來誇桂麝良工用意巧縫成看時共說
茱萸顰着處嫌無鸛鵒鳴百里奚身悲甚似五
羊皮價敢全輕日於丈苑陪高步贏得芳塵接
武名

九子坡聞鷓鴣

落照蒼茫秋草明鷓鴣啼處遠人行正穿屈曲
崎嶇路更聽鈞輶格磔聲曾泊桂江深岸雨亦
於梅嶺阻歸程此時爲爾腸干斷乞放今宵白
髮生

涼公從叔春祭廣利王廟

龍驤伐鼓下長川直濟雲濤古廟前海客歛威
驚火旆天吳收浪避樓船陰靈迺作南溟主祀
典高齊五嶽肩從此華夷封域靜潛薰玉燭奉
堯年

長沙紫極宮雨夜愁坐

獨坐高齋寒擁衾洞官臺殿官沉沉春燈含思
靜相伴夜雨滴愁更向深窮達未知他日事是
非皆到此時心羈棲摧剪平生志抱膝時爲梁
甫吟

盧逸人隱居

幕局茅亭幽澗濱竹寒江靜遠無人村梅尚斂
風前笑沙草初偷雪後春鵬鷗喻中消日月滄
浪歌裏放心神平生自有煙霞志久欲拋身狎
隱淪

江樓閑望懷關中親故

搖落江天欲盡秋遠鴻高送一行愁音書寂絕
秦雲外身世踈踈楚水頭年兒暗隨黃葉去時
情深付碧波流風淒日冷江湖晚駐目寒空獨
倚樓

請告南歸留別同館

中元作

一點燈前獨坐身西風初動帝城砧不勝吏信
鄉關思遂作陶潛歸去吟書閣乍離情黯黯形
庭迴望肅沉沉應怜一別瀛洲侶萬里單飛雲
外深

寄友二首

野水晴山雪後時獨行村路更相思無因一向
溪橋醉處處寒梅映酒旗
花落輕寒酒熟遲醉眠不及落花期愁人想憶
春山暮煙樹蒼蒼播穀時

桃源